

Da bluztgers e talers – istorgia grischuna da la munaida e dals daners

■ Er en il contadi medieval da la Rezia avevan oriundamain sco dapertut sulettamain ils retgs ed imperaturs tudestgs il dretg da batter munaida. Davent da la segunda mesadad dal 8avel tschientaner fin en il 10avel tschientaner han singuls regents da las schlatas dals Carolings ed Ottos laschà batter munaida a Cuira. Pli tard è quest dretg vegnì surdà sco feud a signurs territorials ecclesiastics seculars; excepziunalmain en tals er sa patronads da quest dretg a moda illegala. Dal 10avel al 19avel tschientaner han diesch diversas instituziuns laschà batter munaida sin il territori da l'odiern chantun Grischun.

Il svilup istoric en survista

Il commerzi da barat è vegnì remplazzà en Rezia tras il commerzi (almain parzial) cun valutas atgnamain pir suenter l'invasiun romana e la munaida per propi è vegnida introducida en la Currezia pir en il temp carolingic (suenter il 800), cura ch'il retg ha laschà batter munaidas a Cuira. La participaziun da la Rezia al barat da martanzia surregiunal creschent durant il temp curretic vegn attestada tras chats da munaidas che derivan per gronda part da la Lombardia e da la Germania dal Sid.

Il 958 ha l'imperatur Otto accordà a l'investg Hartpert da Cuira il privilegi da batter munaidas, in dretg ch'els investgs han exequì fin il 1767. Cun sa liberar da l'avugadia imperiala, in pass succedi cunter la veglia da la diocesa da Cuira, è era la citad da Cuira s'acquistada il 1529 quest dretg ch'era in element tipic dals centers politics.

Tras ils Artitgels da Glion dal 1526 è la controlla dal sistem monetar passada a las Trais Lias ch'han però desisti d'atgnas munaidas. Uschia è il dretg da batter munaidas restà a la citad da Cuira ed a l'investgieu, essend che la Lia da la Chadé na batteva era betg atgnas munaidas (cun excepziun dals onns 1560-70).

La produziun da daners vegniva adina affittada ad in maister battider privat che produciva, per incumbensa, ina tscherta quantad da munaidas indigenas sco era occasionalmain, ad agens custs e ristgs, munaidas estras. Il metal prezios vegniva mess a sia disposiziun, pli savens dentant prefinanzià tras in emprest.

Tranter il 1612 ed il 1770 han era ils baruns da Lantsch Sut (Thomas von Schauenstein) fatg valair, ultra da la citad e da la diocesa da Cuira, lur privilegi da batter munaidas, a l'entschatta dal 17avel tschientaner perfin cun argient dal'atgna miniera. La claustra da Mustér ha (sco ch'i para) batti munaidas mo dal 1574 al 1729, il signuradi da Rehanau dal 1709



Munaidas grischunas: uestvg da Cuira 1628, citad da Cuira 1631, aur dal Calanda 1813, chantun Grischun 1825.

FOTOS: MUSEUM RETIC

al 1748. Ils Trivulzios han produci en ils onns 1493-1531 munaidas e valutas talianas a Mesocco e Roveredo.

Malgrà numerus decrets relaschads da la Dieta da las Lias n'esi betg reussi a Cuira d'imponer sia munaida sco valuta uffiziala per tut las traies Lias; las munaidas indigenas en restadas en la minoritad en confrunt cun las valutas estras. Sco regiun da transit è il Grischun restà sut l'influenza da las valutas dal nord e dal sid.

Suenter il 1770 han ins chalà da batter munaidas en il Grischun, perquai ch'i na rendeva betg pli. La confusiun da munaidas era uschè gronda ch'ins quintava perfin en equivalents da valutas betg pli battidas en il Grischun e ch'avevan pia mo pli ina valur aritmetica. Las munaidas d'aur eran savens memia levas ed ils commerziants professiunals pasavan ellas per far la segira cun l'atgna stadaira. Grazia al commerzi da barat intern ed a quel cun ils vischins dal sid (animals pitschens e products da latg cunter victualias) pudevan almain ils purs fixar lur atgnas entradas, senza ristgar da survegnir munaida faussa.

En ils onns 1807-42 ha il chantun Grischun, sco sulet possessur dal dretg da batter munaidas dapi il 1803, laschà batter questas a Berna e Geneva. La davosa munaida producida en il Grischun è quella dal taler da la Festa federala da tir dal 1842 a Cuira. Il 1848 è la regaglia da batter munaidas passada a la Confederaziun.

Ina raritad furman ils dubluns d'aur dal Calanda (1813). Quest'avaina d'aur è vegnida scuverta il 1803 ed explotada al Calanda da Favugn tranter 1040 e 1295 m. Il 1809 ha Georg Wilhelm Capeller, apotecar a Cuira, fundà l'uniun dals chava-aur «Zur Goldenen Sonne». Il 1813 han ins produci passa 70 dubluns da l'aur explotà al Calanda. En consequenza da la nauscha lavur prestada d'amateurs han ins pers l'avaina d'aur e bliers daners. A partir dal 1830 han las concessiuns midà diversas giadas maun ed il seller Ulrich Anton Sprecher da Cuira ha alura puspè chattà l'avaina d'aur ed explotà quella dal 1856-59. Il 1939 ha la Confederaziun ed il 1954 la Erze und Mineralien AG Felsberg empruvà, senza succed, da reactivar la miniera d'aur.

Ils battamunaidas grischuns e lur munaida

Il territori da las anteriusas Trais Lias è caracterisà d'ina istorgia numismatica unica en Svizra. Las diesch differentas instanzas da batter munaida che pratigavan lur dretg en quest sistem statal federalistic han procurà per bieras variaziuns da munaida. A Cuira han ins cumenzà a batter munaida gia dal temp carolingic, sut il domini da Carl il Grond (768 fin 814). Pli tard en cumparids ils denars d'argient cun il num da la citad e cun il num da l'imperatur Ludovic il Pietus (814 fin 840) e cun quel dad Otto I (936 fin 973). L'onn 958 ha l'imperatur Otto I conferi a l'investg da Cuira, Hartbert I, il dretg da batter munaida. In tal privilegi sa basava adina sin in'autorisaziun da l'imperatur respectivamain dal retg u dal papa. Per ils investgs è el stà ina funtauna d'entradas lucrativa fin che la munaidaria ha serrà sias portas l'onn 1767. L'onn 1529 è i a fin il monopol da batter munaida da l'investgieu da Cuira. La citad da Cuira ha conquistà il dretg da batter munaida malgrà las protestas da l'investg. La Lia da la Chadé ch'è vegnida fundada l'onn 1367 ha survegnì l'onn 1560 quest dretg ch'è vegnì limità ed al ha exercità durant diesch onns. Ultra da questas instanzas han ils baruns da Haldenstein fatg valair regularmain lur regal da batter munaida dapi il cumenzament dal 17avel tschientaner. L'abazia da Mustér, il Signuradi da Rehanau ed ils Trivulzios en la Val Mesauc han batti munaida mo durant in curt temp. En emprima lingua n'avevan questas instanzas betg il giavisch da procurar per agens daners a fa-

martgads, mabain barattads in cun l'auter.

Per stgaffir in sistem monetar stabil e qualifitgà ha l'autoritad da las Trais Lias empruvà da survegliar ils battamunaidas indigenas. Il pais e la finezza da las spezias da la munaida circulanta sco er las relaziuns da lur valurs ina cun l'autra en vegnids fixads uffizialmain. En mandats monetars communitgava l'autoritad a la populaziun il curs da la munaida estra. Las nauschas spezias da munaida vegnivan «discreditadas». Malgrà questas stentas è la circulaziun locala dals daners sa sviluppada tut auter che en moda ordinada. Resultà è in sistem monetar – en terms dad ozendi – complex e strusch chapavel ch'aveva differentes systems da calculaziun.

Munaidaria da Cuira

Bler n'è betg enconuscent davart il cumenzament da la munaidaria durant il temp medieval, perquai ch'i na dat strusch funtaunas. Quai sa mida a partir dal 16avel tschientaner: Ils circa 2000 documents d'archiv ch'ins ha studegià enfin ussa, principalmain quints da munaidas, inventaris e contracts, dattan bliers novas enconuschentschas davart il batter munaida a Cuira. En spezial l'istorgia e l'organisasiun dal mulin da munaida po vegnir persequitada quasi senza interrupziun fin a la sistida da l'activitad da batter munaida, l'onn 1767. En quest mulin è vegnida producida durant circa 200 onns pressapauc tut la munaida da l'investg e da la citad. Ils lavurants da la munaidaria vegnivan engaschads e salarisads periodicamain da l'investgieu, da la citad u d'omadus ensemen. Ils nums dals maisters battamunaidas ch'eran ils schefs da la munaidaria en tradids quasi cumplettamain en las funtaunas. Tranter els giogan ina rolla speziala durant bunamain 100 onns ils represchentants da la famiglia Wägerich. Ultra da quai menziunan las funtaunas guardians, entagliaders da buls e famegls battamunaidas.

Per razionalisar e per megliar la produziun ha la munaidaria da Cuira introduci permanentamain novas metodos da batter. Gia vers la fin dal 16avel tschientaner ha ella cumenzà a substituir il batter munaida a martè cun metodos mecanicas. La munaidaria da Cuira è pia stada ina da las emprimas munaidarias da l'Europa ch'ha produci munaida cun agid da la tecnica complexa a zulla da batter. L'activitad da batter munaida pudeva variar fermamain entaifer paucs onns.

La produziun è stada la pli intensiva durant il 18avel tschientaner. Da 1730 fin 1767 ha la quantad da munaida battida importà circa 60 milliuns tocs. Per quest temp po Cuira vegnir designà sco pussanza gronda sin il champ da batter munaida. Durant ils onns 1764 fin 1767 sa lascha observar in cler augment dals custs da produziun. Malgrà l'activitad da batter intensiva na rendeva la munaidaria betg avunda. Quai è bain stà il motiv, pertge ch'il manaschi ha la finala serrà sias portas. Er tractativas cun eventuels fittadins oriunds da l'Italia han fatg naufragi l'onn 1788.

Circulaziun, valitaziun, valur dals daners

Dapi l'antica han ils daners substitui plaun a plaun il commerzi da barat predominant. Il nov med da pajament purescheva pussaivladads pli vastas che las furmas tradiziunals da commerzi. Grazia a numerus chats archeologics po la circulaziun da la munaida en il territori dal Grischun actual vegnir skizzada bain. Ils chats illustreschan la rolla centrala dals daners en l'economia. Tuttina han existì en ils territoris rurals dal Grischun per part anc fin la mesadad dal 20avel tschientaner furmas da commerzi fitg originaras: victualias producidas sez, muvel, dentant er auters bains n'en savens betg vegnids pajads en daner blut sin ils

Per stgaffir in sistem monetar stabil e qualifitgà ha l'autoritad da las Trais Lias empruvà da survegliar ils battamunaidas indigenas. Il pais e la finezza da las spezias da la munaida circulanta sco er las relaziuns da lur valurs ina cun l'autra en vegnids fixads uffizialmain. En mandats monetars communitgava l'autoritad a la populaziun il curs da la munaida estra. Las nauschas spezias da munaida vegnivan «discreditadas». Malgrà questas stentas è la circulaziun locala dals daners sa sviluppada tut auter che en moda ordinada. Resultà è in sistem monetar – en terms dad ozendi – complex e strusch chapavel ch'aveva differentes systems da calculaziun.

Las emprimas emprivas invanas da stgaffir ina valuta unitara en vegnidas fatgas durant la Republica helvetica (1798 fin 1803). Ma ins ha stuì spetgar anc fin l'onn 1848, fin ch'il dretg da batter munaida è passà definitivamain a la Confederaziun. Cun l'introducziun dal franc svizzer l'onn 1850 han ins pudì metter ina fin a la confusiun monetara.

Er en il Grischun en ils pretschs ed ils salaris sa midads considerablmain en il decurs dals onns. En egl dat per exempel la crudada dals pretschs dals products e da las victualias pervia da la naschientscha da l'industria durant il 19avel tschientaner.

Auts signurs, maisters battamunaidas, pitschens engianaders

Il pais ed il cuntegn dal metal prezios da la munaida vegniva fixà en urdens monetars. En temps, nua che la valur dal metal prezios definiva la capacitad da compra d'in rap, eri attractiv da producir munaida d'aur e d'argient da mendra qualitad e da la metter en circulaziun cun profit. En il Stadi liber da las Trais Lias na mancava mai nauscha munaida u schizunt munaida faussa. La derasaziun da quests raps è vegnida favurizada dal commerzi da transit. Ins sa ch'igl è vegnì falsifitgà munaida en il Grischun almain dapi il temp medieval. Cumprovads en intgins delicts, per ils quals en vegnids chastiads pitschens falsifitgaders da munaida ed engianaders.

Da las funtaunas resulti dentant ch'els falsifitgaders ils pli gronds eran ils battamunaidas grischuns sez, en spezial tscherts baruns dals Signuradis da Haldenstein e da Mesauc. Per regl da profit han els abusà lur dretg da batter munaida cun laschar batter daners da mendra qualitad u schizunt falsificaziuns. Per metter en circulaziun grondas quantitads da lur munaida da mendra qualitad en ils territoris vischins en vegnidas constituidas relaziuns complessivas. Da questas relaziuns faschevan part cunzunt commerziants ed agents, probablmain dentant er politichers da grond'influenza e bancas.

En tut quests cas vegnivan schanegiads per il pli conscientamain ils circuls nobels ch'eran implitgads en scandals da daners fauss u che producivan senza scrupels nauscha munaida. Il motiv per quest schanetg era quel ch'ins vuleva evitar in scandal politic. Uschia sa drizzavan la procedura ed ils chastis rigurus quasi exclusivamain cunter ils pitschens falsifitgaders da munaida. Magari vegnivan chastiads ils mastergnants e lur cumplizis che producivan u mettevan en circulaziun la munaida faussa.

La preschentaziun:
Dossier «Munaidas dal Grischun».

Dapi infurmaziuns:
chatta.ch/?hiid=3649
www.chatta.ch



Stgazi da munaidas da Malögia, fin dal 14avel tschientaner.